

إنتصار عرابی

هَمْسَاتٌ قَلْبٌ سَجِينٌ

أشعار

الطبعة الأولى ٢٠١٧

بطاقة الكتاب

عنوان المؤلف : همسات قلب سجين
المؤلف : إنتصار عرابى
التصنيف : أشعار
رقم الإيداع : 23326 - 2017
عدد الصفحات : 100 صفحة
رقم الإصدار الداخلى : 47
تاريخ الإصدار الداخلى : 11 / 2017 طبعة أولى
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



دار
النيل والفرات
للنشر والتوزيع
أسسها الشاعر ناجى عبد المنعم
عام 2017

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
alnilwaalfourat@gmail.com alnilwaalfourat
المقر الرئيسي: ج.م.ع. محافظة الشرقية - الحاضر من رمضان - مجاورة 13 - أمام سنتر الد- 13 - قطاع 304

الإهداء

الي روح ابي الغالي والي امي الحبيبه والي اخي العزيز
والي وزوجي وابنائي الذين وقفوا بجانبي والي اهلي
وأصدقائي الذين ساندوني وساعدوني في ان ارتقي
وابدع الي كل من تعلمت منه شيئا او ألهمني حرفا كان
ينقصني الي كل عشاق حروفي وكلماتي اشكركم جميعا من
قلبي ...

واهدي اليكم ديواني الثاني

ديوان /همسات قلب سجين

مع تحياتي

إنتصار عرابي

الشهيره / ب موني اسلام

1

*** آ ه من السكات ***

الصورة جارحه ساعات

والأنثى منها السكات

لو ضمير حى

كان فى حضن أمه يبات

2

♡♡ مش بأيدي ♡♡

تعبك علي عيني يانور عيني

الغربه مره والبعد كاويني

مالى غير البكى

يطيب خاطرى ويواسينى

أشكى لمين..

ومين يسمع دموع العين

وهى تجرى على الخدين

تنادى عليك سامحينى

أكيد قصرت

بدل المره ألفين

يالغاليه تمنيت

اللى فيك فيه

ولاتصيبك أذيه

لكن الوجع

سكن وريدى

لأن مش بأيدي

بدعى الله العالى

يرأف بحالى

ويخليك ليه ماليش

غيرك بعد الله

يراعيك ويراعيني ♥♥ مش بأيدى ♥♥

تعبك علي عيني يانور عيني

الغربه مره والبعد كاويني

مالى غير البكى

يطيب خاطرى ويواسيني

3

یاشاعر

دایر علی حل شعره

فرحان بقوله وبشعره

لحد ماجت له بهیه

ملکت قلبه ومشاعره

4

■●●●●[[وایش حيلتي]]●●●●■

وايش حيلتي وأنا من بلاد بعيدہ

لاجاني يوم فرح ولاساعہ سعيدہ

أناجي رب الكون يلف بعبيدہ

ويجمعني باحبائي بساعہ رغيده

وأصير سعيد بملقي الأحبه بعد

غياب والالأم شديدہ

ويعرف كل واحد من الغلا رصيد

5

❖❖ بحلم ❖❖

بحلم إن في يوم ألقاك
وأقضى باقى العمر معاك

نولع شمعه

نمسح دمه

نرسم بسمه

نزرع حب

نحصد فرحه

بهمسه ولمسه

ندوب ياملاك...

تشرب كاسى
وأشرب كاسك
تعرف ناسى
وأعرف ناسك
ولو يوم تبعد
هترجع تانى
تلقى مكانك
وألقي مكانى
جوا فى قلبك
يقول لي تعالى
دانا بهواك

نرسم صوره

حلوه جميله

مفيهاش إلا

أنا وياك....

وبحلم أن في يوم القاك

وأقضى باقى العمر معاك

6

❖ ❖ ❖ [[آه م الغيره]] ❖ ❖

☐☐ (هو)

أهدى ياروحي أهدى شويه

☐☐ (هي)

أهدى إزاي بس يا عنيه

ونار الغيرة بتاكل فيه

أهدى إزاي ياكل حياتي

إنت الفرحه وكل أهاتي

بسهر ليلي أفكر فيك

لوتيحي لحظه ومش ألاقيك

إزاي تبقى حياتي يا غالي....

من غير همسك .. ليا ليلا تى

أهدى إزاي وبلاش غيره

وأنت حبيبي عليك السيره

رايحه وجايه يشاوروا عليه

إنك عارف واحده عليه

بس لو أعرف! !!

. فيها إيه زياده عليه؟؟

حب

حنيه

ملاغيه

طيبه وأصل كل دا ليه

أنا مش أنانية بس إختار

aa(هو)

إسمعيني..

إنت حبيبتي وروحي وعمري

سيبك منهم دول تافهين

تفكير غجری مش واعيين

إنت الرووح

ونن العين مايملاه غيرك

اهدى شويه!

اهدى شويه!

وبلاش عصبیه بشكر ربي

لیل ونهار إنك مالیه علیه الدار

اهدی یاروحی!

وخدیها بهزار

دا أنت حبیبتی وکل مالیه ..

. وأجمل شی شافته عینیه ...

واهدی یاروحی اهدی شویه.....

7

سلف

جايه وکلي لهفه وشوق...
جايه أمسى يا اهل الذوق.....
والموجوع مسيره هيروق....
واللي وجعه يجيله يوم ويدوق...

8

♡♡أخي الغالى♡♡

ما تحرمش العمر كله منك يا حيايتي

يا فرحة الماضي وعمرى الأتى

ليلي نهاري برتل آياتي

وبدعيلك في سجودي وصلاتي

يخليك لنا وتحميننا ليوم الم

رساله (2)

غالي والغلا ليك بزياده

بتمنالک تعيش بسعاده
تاج علي رؤسنا تحرسنا
من عالم مليان ديايه
يا عمده ♡
الهييه ليك والسياده
دانت الأب الحنون
بعطفك علينا
عوضت فراق الغالي وزياده .
ربنا يحميك ويصونك
وتتول أعلي مناصب القاده ...

9

ایہ یفید

موجوعه بس لمين أشكي
الكلام لو يفيد كنت ليك أحكي
جوايا نار بتقيد وايه يفيد
داب الحديد من ناري وحيرتى

10

!!! كان !!!

حبك دا كان فكره
إني أألمس خيوط الشمس
بلحظه رجعت من بكره
أطوي خيوط الأمل
ورجعت أعشق الذكره
وأفكر كان م بينا همس...

11

~~~~~ حلمي بسيط ~~~~~

حلمى مش قصر عالى ولاشئ

خيالى حلمى بس أكون وياك

حلم بسيط بحجم الكون

إن أكون فين ماتكون وأرعاك

تعرف.....

راضيه ب لقمه فاضيه

مغمسه بهواك

طعمها شيء مش

عادي وم الفرحة

يرفرف فؤادى.....

عطشانه تروینی

شوق وحنیه

عایزاک تنسینی

طعم الأسیه

ولیک علیه .. ..

أدوقك الفرح ألوان.....

وتشوف الدنيا بعنيه....

وتنسي إنك إنسان

وتعيش بقلب حوريه...

دا حلم ؟

ومفیش یاعمری حلم محال! !

بحلم بس أكون ویاك

بضحایه صافیه

ولمسه دافیه

أدووب یاملاك .....

حلم بسیط مش أكثر

بس بخاف یتبعتر

وبحلم....

بحب ناره تکوینی

بحلم ...

بصوره منقوشه بتکوینی

من قبل الميلاد بميلاد

اه بس لوتيجيني

تسيني أيام البعاد

ويرجع لى عمرى وسنيني

وأيام الشباب تنعاد ...

وبحلم

وبحلم بس ... أكون وياك .....

وأقضى باقى العمر معاك .....

12

♡ صباح الحب ==

صباح جديد كله أمل

يمحي بنورة احزاني

لا عاد أبكي ولا أشكي

ولا أقول آه .... ياني

صباح الحب ياروح القلب

صباح مكتوب على شاني

صباح طيب لكل قريب

لكل أصحابي وخلاني

صباح نادي على بلادي

صباح الورد لأوطاني

صباح الضحكه والبسمه

وفرحة طفل أحياني

صباح الورد يا أمي

يا أهلى وناسي وخلاني

صباح الشوق لأحبابي

صباح الحب عنو اني

13

>> خايفه >>

خايفه في يوم  
تصحي ومتلاقنيش  
ساعتها تندم  
ومن غيري إزاي تعيش.....  
كل الناس بتزعل  
وتتصالح  
الا انت يا عمري بتعاند  
علي اللي م يساويش.....  
إفرد جناحك  
وضمني ضمة حنان

بلحظه واحده

ننسي اللي كان

هي الحياه صعبه صحيح

لكن بغنيشها ....

بحلوها وبمرها

دا آخرتها ضريح

كفايا زعل ...

وكفايه قهر..

داللي بينا يا حبيبي حب دهر ....

كفايه زعل...

وكفايه أه....

يلا بينا نحب الحياه

ونرسم صوره

حلوه جميله

من غير رتوش...

لولد وبنيه

وبكفايه علينا

يملوا حياتنا

وعلي الأسامي

منتخلفوش .....

وتبقي حياتنا

سعيده هنيه

وليهم تبقي الأولوية

وبحبك وحناني

نشيلوها المسؤليه

وتبقي حياتنا

غنوه

وضحكه

ولعبه شقيه .....

بس إنت متزعلش

دالدنيا كلها

فدا زعلك ماتساویش

وأنا من غيرك

مقدرش أعيش

14

بدونه = الجرح

جرح الحبايب ليله غبره  
نزيف دايم مايجف حبره  
فراقهم واعر مانطيقش صبره  
حي ميت ماليه الا قبره

15

~~~ «بيت القصيد» ~~~

انت البيت وانت القصيده

وانت الحبيب اللي أريده

معاك راضيه بعيشتي سعيده

بإيدك تحميني

من الصقع ورعيده

فداك أنا أروح شهيده

وتعيش انت حياة رعيده

أمير القوافي بحكمه رشيده

عادل ما بين عبد وسيده

مأنت البیت وأنت القصیده

وأنت الحبيب الذي أريده

16

== مفیش حدود ==

جوايا شوووق وحنين.....

يدوب جليد الارض.....

مالوووووهمش حدود.....

ولاخطوط طول وعرض.....

17

♣♣ في عيدك ♣♣

في عيدك

اشتريت هديه

لكن لمين أهديها

يانور قلبي وعنيه

انت الهديه

وربي خصني بيها ..

متلومنيش

السكه طويله

وياريت بايدي

كنت أطويها ...

محتاجه

ارتمي بحضنك

واطفي نار الشوق

اللي أنا فيها

و الصبر مر

ومرار الصبر

كاساته ليه ماليها

جوايه غربه

وتايهه ولا عارفه

مراسيها

ياامي الآه ساكناني

وكل يوم بتجدد

أساميها

بصبر نفسي

بدموعي والعين

سكن التعب فيها

بدعي الله ..

يقرب البعيد

ملناش غير

عين الله تراعيها

أمي في عيدك

اشتریت ہدیہ

لکن لمین اہدیہا

18

~~{ حزینہ }~~

حزينة وحزني لون لي

الكون بألف لون ولون ..

لا من يصبرني

ولا مين يجبر خاطر

ولا من يقولي بكره تهون ...

وكل يوم يمر أصعب

من اللي قبله

واللي قبله مرار صافي

خايف صحبه يخون.....

وكاسات المر

لسه مليانه
بتسقي ناس
كتير عطشانه...
لكن حرام....
الناس في حياتها
تعبانه وقرفانه...
أسألك سؤال يادنيا!
ليه كل متيجي
حاجه حلوه
يجلها شئ يعكرها!
ويلخبط كل منظرها!

ويقلب كل موازينها!

وتوه معاها أحلامنا!

ولا نلاقي حد يفهمنا! ...

ولولقينا بيزيدوا في ألامنا! !

كفايه! !!

دا احنا بشر

في كل مكان

بننشر سلامنا

بدعي الله

يبدل أحوالنا

وتبقي البسمه عنواننا

وتتلون بألف لون ولون....

19

=== الدمعه ===

ليه الدمعه جوانا بتعافر

مش لاقيه طريق مفتوح

ترجع لعرووقنا وتسافر

وآآآآآآآآآ آه لو في يوم تبوح

20

== آه ==

آه وآه لما الآه تتمكن منا

وأقرب الناس يتخلوا عنا

میںقاتالاشللحیاهمعنی

وڪل شيءِ يڃي ضدنا....

21

{ { لما تغيب } }

شئ غريب لما

تغيب يدخل حياتي يصحي أهاتي

...(و)...

يبتدي السرير

== عيني تنادي مشتاقه ليك

و قلبي كاويه الحنين .

...(لأن)...

مفيش غيرك ليا حبيب.

== والروح تنادي

إرجع نسينا قساوة السنين

... (دا) ...

الوجع بيسكننا لما تغيب

== دانيت هنايا وفرحتي

وكل أمالي في دنيتي

... (الله) ...

لو أحس إنك مني قريب ...

== تتبدل ساعاتي

وتفرح أهاتي وترجع حياتي.

... (لأن) ...

فكرة بعادك داشئ مريب ..

22

قليل البخت

قليل البخت

يلقي حظه بعد فوات الأوان

ويغلي الرخيص

وهو طول عمره بالمجان

ويسود كل شئ

بعد م كان بالألوان

23

ياساده بكل باختصار

حضروا الكفن للحب قبل الولاده.
قريبه ساعات الإحتضار.....
دا ميفرقش بين عبید وساده.

24

هاتولى ابنى

هاتولي ابني هو ذنبه ايه
تجلدوه وترش الملح عليه
تكهربوه
وتقلعوله ظوافره وهو حي
هو انتم ايه !!!
وايه ناقص ماتسلخوه ...
انتم ايه انتم ايه !!
انتم بشر !!
ولا وباء في بلادنا انتشر
حرام عليكم شبابنا ضاع

ولا واحد قال لامه كلمة وداع
ايد الخيانه من علي الطريق بتسرقه
وفي اكياس الزباله تفرقه
تلاقي راس علي باب البيت
منظر بشع مش ممكن تصدقه ...
وقلب الام ينكوي
وفين هيلقولها دوا .
واللي بيحبيب الدوا
هو نفسه اللي قطعوه
وعلي كل باب فرقوه
واه واه عليك يابلد

تقول الحق تتجدد .

. ذنبه ايه ذنبه ايه

انه قال الحق يبقي تجيبوا الحق عليه

25

<><>~ ~ 《 جريئه 》 ~ ~<><>

مع اني جريئه ومش بخاف.....
لكني مبحبش قانون الغابه.....
ولو حصل يوم بينا خلاف....
بسامح ووكل رب الغلابه....
وبختصر عتابي في نون وكاف..
وأحسن الظن والكل له أسبابه....
دا يا بخت من عاش بقلب شفاف...
ولا يوم يمر وينسي أحبابه

26

<< 《 كفايه 》 >>

بكفأفه سكأف

أأاف بألفه

فصأف فلافف

كل اللف بفنا ماف.....

ءأنا فف ففابك! !

كفرف أرافف

وكل فوم بزفء

آهاف

لافبفب فءاوف

ولاكلمه حلوه

ولانظره تطيب

الخاطر ساعات.....

ودموعي نهر

بتوضي منه

وعشائك بصلي

وأدعي دعاء الأمهات....

إصحي فوق

بكره تروووق

وترجع حياتنا

من غير شتات.....

أخاف بلحظه

الموت ياخذنا

ويبقى برضوا

عزانا بسكات.....

27

<><> أرواح فين <><>

أهرب منك أروح علي فين
وأنت بقلبي يا نن العين....
تبعد ثانيه يملكني أنين
أمد الخطوه ولا التايهين
أدور فينك بشوق وحنين..

(ترد عليه) بكل حنان
....(أنا هنا)....
أهرب منك أروح علي فين
ماتت ياروحي ملكاني كمان

دانت الروح والنبض لقلبي

وأنت الفرحة منوره دربي

وم أقدر يوم عليكي أخبي

اني في حبك نسيت الآه

رايح جاي أقول (الله)

لأنه رزقتي بأحلي هديه

مانا طول عمري مصفي النيه

وبدعي أنول الرضا يابنيه

وأرتاح بقي من هم سنين

ويفرح قلبي ...

ويفرح عمري....

وينور دربي.....

ماهو طول عمره ياروحي حزين

وأهرب منك أروح علي فين

28

~ يا نفسي ~

في يوم ميلادي
فتحت باب الأمل
للدنيا والأحلام
وكتبت حروف
بالحب ودعاء
يارب يعم السلام
ويتبدل سوادي
وكل شئ
يبقي بالالوان
وتسجل السعاده
موعدي شهر

خمسہ بالتمام

29

||| النصیب |||

آه من النصيب اللي خلاني

أفوت أهلي وخلاني

وأبعد بعيد وأنا شايله

جويا أحزاني

وحيده في غربتي

وكان الوحده بقت عنواني

طيب ليه كدا يادنيا

نفسي أعيش بين اخواني

دا اللمه حلوه كتير كتير

أفكرها أبكي بثنائي

هو ذنب اني أحلم !!!

أرجع لحضنهم تاني

قسيت عليا كتير

وعيشتيني في غير زماني

وآه من الوجد

معادش ينفع أقول

ارجع يازماني

وعشان أنسي

وعشان أنسي

رشييت الملح علي جرحي

كويتة وكواني

30

دعاء

إتقفلت كل البيبان
الاباب الرجاء فيك
مفتوح بكل أوان....
الكل بالدعاء يناجيك

31

ياوجع

ياوجع بقينا خدم

تحت مداسك

بالله عليك إمشي

أبوس راسك

دا احنا منعرفكش.....

وانت بقوتك فينا ليه ماسك !؟

32

& شهادة وفاتي &

شهادة وفاتي

في يوم بعادك

بالدم كتبتهـا

ونقشت فيها

كل حاجه

كنت بتحبهـا

يمكن يجيلك يوم وتفتكر!

إن أنا أجمل ذكري

في الدنيا عشتها

وتتمناني أرجع

لحياتك وتعيش

ولو نصها

أخذك غرورك ...!

ومعرفتش قيمتك

في عيون المها .

هتندم لما تسأل

نفسك إنت ليه

في يوم سبتها ؟؟

قلب صافي.....

عشقه دافي

وفي عشقك

نسيت حتي نفسها..

عيش حياتك

عرض وطول...

دا أنا دنيا تانيه

العشاق يتمنوا

يفوزو بقلبها

لكن إخترتك إنت

ونسيت الدنيا وأهلها..

قالوا مغرمه؟؟

قلت ايواااااااااا !

ماهو دنيتي

ومفیش دنیا زیها

وصیتی لیک...

منقوشه بالحب

فی شهادة وفاتی ...

خلیک فاکر !!

خلیک فاکر !!

بعد شهدي

هتدوق

مرار الدنيا كلها

وأيام العز تتبدل

وتسقيك

من كأس زلها

33

^^<> في غيابك <>^^

هبت رياح غيابك
زلزلت قلبي وانفطر
سحابة وداع منّا
قربت وحياتنا
بقت في خطر
والعيون مليانه دموع
كالبرق بيدمر شجر
ورعد الذكريات الجميله
جفاني وانتحر
وكل شئ بينا مات وانكسر.
ومعادش فيه أمل. !

34

<> شهادة ميلادي <>

شهادة ميلادي

بقوله يا هادي

أكون لك هديه

أفرح بك

وتفرح بيه

بدعي الاله

بعيشه هنيه

شهادة ميلادي

شئ مش عادي

إسمي وإسمك

رسمي ورسمك

يصرخ ينادي
إمتي نلاقي
حب بدائي
تكتفنا حباله
ولا يوم نفارق
ووعدي نهائي
بس رجائي
يادائي ودوائي
تبقي أميري
والباقي رعيه
شهاده ميلادي...

شيئ لا إرادي

هيجمع أيادي

منا بوادي

وأنت بوادي

يا أجمل حقيقه

بشهادة ميلادي...

35

{ الأيام تتكلم }

إبكي لو البكا يفيد
داللي نزل دمعتك
هو في حياته سعيد
نسي بلحظه محبتك
وفرح بحب جديد
إفتكر إن فيها رقتك
لقاها مصنوعه من حديد
وهيندم ويرجع لقلبك
ويدعي رب قرب البعيد
عنده أمل يرجعك
لكن ميلاقيش بقلبك رصيد

ونسي إن (إرحل)

كلمتك

كلمه مش قابله للتجديد

36

(~) زمن العجايب (~)

يا زمن العجايب

إحنا فيك سكان.....

بحبها حبه معانا

وقربنا الحبايب

لو بالإمكان.....

وأنا أوفر لك حمايه....

لو أنقذتني من الحرمان

ولو طلعت

قاسي معايه

هجمعتك النسوان.....

يولولو

والتلويل عندهم هوايه...

وشاطرين

في طولة اللسان.....

والكلمه

تبقى حكايه وروايه

ومن

الحفره يعملوا بركان

المواضيع

عندهم مالهمش نهايه

ياويله

اللي يقع بين النسوان.....

يا زمن العجايب
احنا فيك سكان.....
بحبها حبه معانا
وقرب لنا الحبايب
لو بالإمكان

37

{...تخاصم...}

ازاي تخاصم ...

وحبك من الآه

ليه عاصم

إنت شعاع الأمل ...

سحرتني ..

ومين يفك الطلاسم

خليك حنين ..

بلاش قرارك ..

يبقي حاسم

دا انت ضلي ..

وفي ضلك..

هقيم المراسم

أنت الحياه...

والحياه ..

في قلبي راسم

وأنت فرحه ...

جوايا طارحه..

بتشتهي كل المواسم

38

{ ~ مين الجاني ~ }

إنت اللي إبتديت...

وعلي حبك جنيت

مترميش اللوم عليه...!

دا انت كنت قبلتي.....

وراك صليت

ودعايا كان في سجدتي....

تنول ما اشتهيت

مايوم نسيك بسبحتي....

يرعاك المولي فين مامشيت

اخرتها سالت دمعتي.....

نهر ومنه توضيت

وهدعي تزول لوعتي

وأبيع اللي في يوم إشتريت

ياللي عشانك قامت ثورتى.....

اتاريها باطله!! !

وياريتنى كنت إنعميت

ولاشفت يوم نكستى...

بعد انتصاراتى!! !

لراية العز رميت

وم اليوم هغير سكتى

واطوي الماضى!! !

وهتندم إنى له طويت

39

~~ سامحني ~~

سامحني " يالي نظره منك كانت تريحني

أهاتي بتناديك !

تعالى " م عاد شئ فى البعد يفرحني

الحنين بيسأل؟؟؟

إنت فىن ؟ ؟

تعالى داوى جرح السنين من غير م تشرحلى

دا الشوق...

سكاكينه بارده وأنت بكل هدوء بيا بتضحى

ولامات!

ولامات!

فيك الحنين وناوي بالعرق تدبني

كفايه

كفايه

إرجع بلاش عناد وهطلب الرضا لو تسمحي

سامحي " يالي نظره منك كانت تريحي ...

40

÷÷ لا للرجوع ÷÷

أنا رايحه.....

ومش راجعه تاني...

ولا بعد اليوم...

هتدوق حناني....

أنا مش بنكر.....

شفت كل الخير معاك....

لكن إهمالك ليه أذاني....

وكسرت بخاطري

وكسر خاطر

ناره كوياني ...

وآه

وآه

لما كساني الوجع ...

واسودت كل ألواني

صابره وعائشه ميتة....

في غير زماني.....

وسكاتي أهات ...

ومين يسمع كلامي

والوحده إختارتني ...

وبقي عنوانها عنواني....

والعشره

والعشره

مش هاينه عليه

رغم ألامى

لكن العمر واحد....

ولأمته أفضل أعانى....

أنا رايحه.....

ومش راجعه تانى.....

41

• أيادي الزمن •

أيادي الزمن بتلطم

خدود الماضي

وظوافرها تندب

جدار الصمت

يمكن يحس بالألم الكامن

جوا جنائين

البعد الطارحه

سنابل شوق

معدومة الفرحة

مرويه بدمع

يشق جبال

الوجع الساكن

جوا الصخر ...

محتوى الكتاب

| م | المحتوى | صفحة |
|----|--------------|------|
| 1 | بطاقة الكتاب | 2 |
| 2 | الإهداء | 3 |
| 3 | آه من السكات | 4 |
| 4 | مش بإيدى | 5 |
| 5 | ياشاعر | 8 |
| 6 | وايش حيلتى | 9 |
| 7 | باحلم | 10 |
| 8 | آه م الغيره | 13 |
| 9 | سلف | 17 |
| 10 | أخى الغالى | 18 |
| 11 | رسالة 2 | 19 |
| 12 | إيه يفيد | 21 |
| 13 | كان | 22 |
| 14 | حلمى البسيط | 23 |
| 15 | صباح الحب | 27 |
| 16 | خايفه | 29 |

| | | |
|----|-------------------|----|
| 34 | بدون = الجرح | 17 |
| 35 | بيت القصيد | 18 |
| 37 | مفیش حدود | 19 |
| 38 | فی عيدك | 20 |
| 42 | حزينه | 21 |
| 46 | الدمعه | 22 |
| 47 | آه | 23 |
| 48 | لما تغيب | 24 |
| 51 | قليل البخت | 25 |
| 52 | ياساده بكل اختصار | 26 |
| 53 | هاتولى ابنى | 27 |
| 56 | جريه | 28 |
| 57 | كفايه | 29 |
| 60 | أروح فين | 30 |
| 63 | يانفسى | 31 |
| 65 | النصيب | 32 |
| 68 | دعاء | 33 |

| | | |
|----|--------------|----|
| 69 | ياوجع | 34 |
| 70 | شهادة وفاتى | 35 |
| 75 | فى غيابه | 36 |
| 77 | شهادة ميلادى | 37 |
| 80 | الأيام تتكلم | 38 |
| 82 | زمن العجايب | 39 |
| 85 | تخاصم | 40 |
| 87 | مين الجانى؟! | 41 |
| 90 | سامحنى | 42 |
| 92 | لا للرجوع | 43 |
| 95 | أيادى الزمن | 44 |